



PREZIDÊNCIA KONSELLU MINISTRUS

VII GOVERNUN KONSTITUSIONÁL

KOMUNIKADU IMPRENSA

Sorumutuk Estrordinária Konsellu Ministrus nian iha loron 10 fulan-maiu tinan 2018

Governu hala'o sorumutuk iha Pálasiu Governu, iha Dili, no Primeiru-Ministru, Marí Alkatiri, no Prezidente Konferénsia Episkopál Timorens (KET, sigla iha lian tetun), Bispu Don Basílio do Nascimento, asina ona akordu ida ne'ebé define atribuisaun, husi parte Governu nian ba KET, husi subvensaun (subsídiu) anuál ida ho valór hamutuk dolar amerikanu millaun rihun sanulu-resin-lima ba tinan finanseiru 2018 nian, ba atividade sira iha área sosiál, edukativa no governu ekleziál nian. Akordu ne'e hanesan rezultadu husi Akordu-Kuadru ne'ebé asina iha loron 16 fulan-juñu tinan 2017, ne'ebé mai atu define regra sira parseria nian ba selebrasaun akordu anuál sira subvensaun nian ba transferénsia osan (verba) sira husi Orsamentu Jerál Estadu nian ba Konferénsia Episkopál Timorens, tuir Akordu entre Santa Sé no Respúblika Demokrátika Timor-Leste. Akordu ne'ebé asina daudaun ne'e prevee nu'udar parte dahuluk ho valór hamutuk dolar amerikanu millaun lima atubele transfere ona iha loron 1 fulan-juñu tinan 2018, no parte daruak nian ho valór restante hamutuk dolar amerikanu millaun sanulu atubele transfere kedas bainhira Lei kona-ba Orsamentu Jerál Estadu nian ba tinan 2018 tama ona iha vigór.

Konsellu Ministrus aprova ona proposta kona-ba Dekretu Governu nian, ne'ebé apresenta husi Ministru Planu no Finansas, Rui Augustu Gomes, kona-ba pagamentu suplementár estrordináriu ba funsionáriu sira husi Ministériu Administrasaun Estatál no Ministériu Planu no Finansas ne'ebé serbisu durante prosesu eleisaun parlamentár, hodi rekoñese dedikasaun profisionál no kumprimentu ezemplár ba sira- nia knaar iha preparasaun ba eleisaun antesipada tinan 2018 ne'ebé obriga funsionáriu sira aumenta número oras suplementár serbisu nian ás ne'ebé laho remunerasaun.

Governu aprova ona deliberasaun Konsellu Ministrus nian, ne'ebé apresenta husi Ministru Defeza no Seguransa, Agostinho Sequeira Somotxo, kona-ba promosaun Ofisiál Superiór na'in-haat FALINTIL-Forsa Defeza Timor-Leste nian (F-FDTL) ba Ofisiál Jenerál, ne'ebé kumpri rekezitu sira promosaun nian tuir distinsaun ne'ebé estabelese iha Estatutu Militar F-FDTL nian ne'ebé vigora hela.



Palácio do Governo,
Avenida Presidente Nicolau Lobato,
Dili, Timor-Leste

dndigovtl.09@gmail.com
(+670) 33 310 608

Ikusliu, Primeiru-Ministru, Marí Alkatiri, apresenta proposta Rezolusaun Governu nian, ne'ebé aprova husi Konsellu Ministrus, ne'ebé nomeia Florêncio da Conceição Sanches hanesan Diretór Ezekutivu Servisu Rejistu no Verifikasaun Empreziál, Institutu Públiku (SERVE I.P.). Institutu ne'e mak úniku servisu públiku ne'ebé responsavel ba rejistu Sosiedade Komersiál no Empreziáriu nian iha Naran Individuál (ENIN, sigla iha lian português), nune'e mós atu verifika sira-nia situasaun jurídika, ho kompeténsia atu apresia admisibilidade firma sira nian, no atu organiza no jere baze dadus rejistu komersiál nian. Diretór Ezekutivu foun ne'e sei nomeia ba períodu tinan 3 tuituir malu, no bele nomeia filafali ba períodu ne'ebé hanesan. **REMATA**

